



...jist tschintg naziuns differentas.



...è el en Germania.



...iva a Moscau.



Cusseglier naziunal Martin Candinas cun ina matta ed in mat dal champ.

# En il cor en tuts Svizra

## Fundaziun per giuvenis svizzers a l'ester

DA GION NUTEGN STGIER/ANR

■ **Festivar la festa naziunala er cun star a l'ester, quai han pudì far 42 mats e mattas che fan part dal champ internaziunal en il Scanvetg. Da la partida al champ èn giuvenils da quatter continents.** En il Grischun central essan nus per ina giada betg stads sin in bain puril ad in brunch da l'emprim avust, a tadlar in dals numerus pleds ubain ad ina festa naziunala sin in alp, mabain avain nus fatg ina visita a Langwies, in lieu ch'è ina fracziun da la vischnanca d'Arosa. Là èn per duas emnas dachasa 42 uffants che vivan uschiglio a l'ester. La mamma da quels ubain il bab dals uffants èn vischins svizzers, però cun dimora a l'exteriur. En in onn han lieu en Svizra plirs champs per giuvenis svizzers a l'ester. In è actualmain a Langwies ed in è stà dals 13 fin als 27 da fanadur 2019 a Sur-En, en l'Engiadina. La Fundaziun per giuvenis svizzers a l'ester, quella exista gia dapi 102 onns.

### 760 000 vischins svizzers vivan a l'ester

L'intent principal da l'organisaziun per giuvenis svizzers a l'ester è da porscher als uffants svizzers da tuts tschintg continents la pussaivladad da sa participar ad in champ en lur patria uriunda. Entras il champ duaian ils mats e las mattas er emprender ad enonuscher pliras regiuns da la Svizra, il contact tar quella duai ve-

gnir rinforzà e grazia al champ duaian sa dar amicizias sur cunfins. Ultra da quai emprenden ils giuvenils er a viver en cuminanza, ad abitar sin in pli pitschen spazi ed en ina societad surcontinentala. Dapi diesch onns è il dumber dals Svizzers a l'ester constant e schea tar 760 000 del.

### Visita da cusseglier naziunal Martin Candinas

La Fundaziun per giuvenis svizzers a l'ester è ina organisaziun cun nov comités chantunals ed in comité svizzer e tetgal. Il pensum dals comités dals chantuns è da chattar persunas che sa mettan gratuitamain a disposiziun per manar ils champs, ubain per sustegnair las manadras ed ils manaders da quels champs. President dal comité grischun è cusseglier naziunal *Martin Candinas*. El saja vegni cun grond plaschair a Langwies per far ina visita als 42 uffants ed a las persunas che mainan il champ. Grazia al champ sappian ils giuvenils da l'ester er s'identifitgar pli fitg cun la Svizra e cunzunt er cun il Grischun. Candinas punctescha quant impurtant che saja che quels champs internaziunals hajan er adina puspè lieu en il Grischun. Il comité grischun s'engascha ferm che quels champs hajan adina puspè lieu en noss chantun. Il cusseglier naziunal ha lura er menziunà ch'ils Grischuns sa mussan generus cun sustegnair ils champs finanzialmain, in fatg zunt plaschaivel.

La manadr  
Langwies è  
main la man  
uffants ch h  
Durant il  
tschintg ling  
an franzos e  
tina che dal  
dumber er t  
fants svizzer  
geniturs free

Ta  
In mat ch'è  
Scanvetg è  
er neschi en  
ja Marocan  
ditg pli conc  
scurra bain  
bic. Ses geni  
di a Marrak  
bain tudestg  
da la Germ  
Langwies. S  
ma deriva c  
diesch onns  
rer tudestg  
svizzer ed  
Dachasa è la  
la viva cun l  
Turitg tar in  
in talent pe  
destg, engla

